



## **Universitätsbibliothek Paderborn**

**Cvrsvs Theologici ...**

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Secunda Secundæ Et Tertia Pars Divi Thomæ Complectitvr -  
Qvæstiones Insper Ad Mores, & praxim spectantes, maximè circa  
Sacramenta, accuratè declarantur

**Carleton, Thomas Compton**

**Leodii, 1664**

Sect. V. Quibusdam discubis natura piè affectionis ulterius declaratur.

**urn:nbn:de:hbz:466:1-13826**

## SECTIO QUINTA.

Quibusdam discussis natura pia affectionis ulterius declaratur.

I.  
Cuiusnam  
virtutis cœ-  
sentur pia  
affectionis.

Peculiarum  
per se consi-  
stunt virtu-  
tem.

Ad quid  
nonnulli  
piam affe-  
ctionem re-  
ducant.

II.  
An pia affe-  
ctio debet  
esse actus  
niquequa-  
que hone-  
stus.

Pia affilio,  
quamvis  
quoad in-  
trinseca sit  
semper actus  
bonitus,  
potest ex-  
trinsecè vi-  
tiari.

III.  
Objic. Piam  
affectionem non  
potest impo-  
rare ab alio  
naturali.

Non appa-  
ret quomo-  
do pia affe-  
ctio possit  
vitiari.

IV.  
Determina-  
tio per se ad  
actus su-  
pernatu-  
ralem requiri-  
ta debet esse  
supernatu-

Quæres quartò: Ad quam virtutem pertinet hæc pia affectio, seu voluntas credendi? Respondetur, quamvis ex variarum virtutum motibus elici posse, ut ex motivo obedientia, charitatis, &c. videri tamen propriam & peculiarem per se virtutem constitutam, cuius motivum sit velle hominem credere ob honestatem, quæ peculiariter relucet in subjicendo intellectum dictioni & auctoritati divine. Hæc autem virtus quamvis involvat generalem rationem obedientiæ actibus omnibus praceptis communem, singularem tamen in se continet honestatem ab aliis distinctam: ita Suarez hic, Disputatione septimâ, sectione secundâ, & tertia parte, quæstione septimâ, articulo tertio; Coninck in præsenti, Disputatione decimâ-tertiâ, dub. 6. Molina in Concordiâ, quæst. 14. art. 13. dub. 8. Valentia verò piam affectionem reducit ad virtutem studiositatis: idem etiam facit Torrez, Salas, & alii: nonnulli eam statuant sub virtute religionis. Sed verius videtur quod diximus.

Quæres quintò: Utrum hæc pia affectio debet necessariò esse honesta: hoc est an licet ex naturâ suâ & intrinsecè hic actus sit bonus & honestus, possit nihilominus ab actu aliquo malo imperari, & hoc modo reddi extrinsecè malus. Negant nonnulli possit piam affectionem vitiare, etiam ab extrinseco, cum sit actus supernaturalis. Dico tamen, quandoquidem ut Tomo præcedente, Disputatione nonagesima secunda, sectione quartâ ostendi, actus, non externus tantum, sed etiam internus, & supernaturalis vitiani possit extrinsecè, per actum malum qui cum imperat; idem in præsenti dico de pia affectione, eam scilicet quantumvis supernaturalem, posse hoc modo vitiare, ut si quis hunc affectum, aut etiam Fidem referat ad vanam gloriam, aut alium finem minus honestum. Quod prædicata tamen intrinseca hi actus integri semper manent, & usquequaque honesti.

Dices: Disputatione præcedente, sectione 7. numero 2. & sequentibus, & hac Disputatione, sectione 4. numero sexto asseruisse nos, ideo jūdicio practicum de credibilitate mysteriorum Fidei, & piam etiam affectionem debere esse in substantiâ actus supernaturales, quia actus omnis naturalis est improportionatus & insufficiens ad excitandum actum supernaturale; cum ergo actus hic malus sit naturalis, non poterit excitare seu imperare piam hanc affectionem, qua est in substantiâ supernaturalis, & consequenter hæc ab illo non potest vitiare. Hanc proinde sententiam tenet Suarez hic, Disputatione sextâ, sect. 7. num. ii. Idem docet Lugo Disputatione decimâ, sectione tertîâ, numero trigesimo octavo, & sequentibus, & alii.

Ad hoc tamen argumentum, quo præcipue movetur Suarez, Respondeo cum Arriaga hic, Disputatione decima-septimâ, sectione 4. n. 41. quando dicitur imperium, seu determinationem ad actum supernaturalem debere esse supernaturalem, cùque in entitate proportionatam, sermonem tantum esse de determinatione, per se

& connaturaliter ad actum supernaturalem requiri, non de determinatione qua solum concurrit quæ tanum per accidens; nil enim vetat quo minus hæc sit actus in substantiâ naturalis. Ratio verò hujus est, nam ante hunc actum imperantem naturali, & independenter ab eo voluntas habet omnia principia ad piam affectionem eliciendam necessaria: unde sine illo, imò sine omni actu naturali potuisset piam affectionem producere. Sicut, ergo sine hoc actu integrum est voluntati supernaturalem credendi volitionem pro libito elicere, ita & cum si libuerit assumere potest, & piam affectionem per illum elicere.

Hinc à fortiori sequitur, posse simul cum piâ affectione bonâ & honestâ, dari volitionem præsumul cum imperantem actum Fidei, ob finem scilicet pia aliquem non bonus, puta vanam gloriam, quæstum, aut quid simile. In hoc autem casu, actus hic Fidei utrum bonus sit simul & malus, imperans an malus tantum non perinde omnibus est ex- actum Editi ploratum. P. Arriaga hic, Disputatione decima-septimâ, sectione quartâ, numero quadragesimo sexto, affirmat actum illum Fidei fore simul bonum & malum; sicut enim, inquit, à piâ affectione haurit bonitatem moralem, ita ab actu illo præsumit malitiam, sicque utramque in se tum boni tum mali rationem complectitur.

Hanc sententiam nunquam probandam existimavi: eam proinde latè impugnavi Tomo præcedente, Disputatione nonagesima primâ, sectione quartâ & quintâ. Quod præsentem, ergo casum de hoc actu Fidei, dico, vel antecedentiam aliquam inter piam affectionem, & actum illum naturalem pravum intercedere, vel solus malus non, sed utrumque actum habere sc concomitantem: si primum, actus ille qui alterum naturâ præcedit, dat actui Fidei denominationem boni vel mali, quia ille solus influit. Si verò habeant se concomitantem, uterque actus influit, & imperat assensum Fidei; hic tamen assensus non est simul bonus & malus, sed tantum malus, tum integrâ quia bonus ex integrâ causâ, malum ex qualibet causâ, defectu, tum ob alias causas loco proximè citato fusè declaratas, quæ hic non sunt reperienda.

Quæres sextò: Quamvis de facto pia hæc affectio fit libera, utrum saltem possit Deus necessitare voluntatem ad piam affectionem, & per eam ad assensum Fidei? Respondetur affirmativè: nec enim peculiaris appetit difficultas cur non æquè necessitatè possit Deus ad actum piæ affectionis, ac ad alios actus bonos, saltem tollendo deliberationem, ut in subitis piis motibus contingit; in hoc autem casu excitare posset hæc pia affectio ad assensum Fidei, & hic esset necessarius, sicut actus voluntatis, à quo prodicit.

Quæres septimò: Utrum immediate necessitatè possit Deus intellectum ad actum Fidei sine ullâ piâ affectione præviâ. Probabilius mihi videtur hoc fieri posse: ita Torrez hic, Disputatione vigesima nonâ, sectione quarta, Coninck Disputatione decima-tertiâ numero 44. & alii, idque vel per concursum extrinsecum, per quem intellectum cogat ad actum Fidei eliciendum, vel per qualitatem intrinsecam infusam, quæ talis sit efficacia, ut intellectum per se & immediate determinare queat ad credendum, quemadmodum lumen gloria in patriâ determinat immediate ad actum visionis beatificæ producendum, quamvis & visio per concursum etiam extrinsecum

extrinsecum produci possit, ut ostendi Tomo præcedente, dum de principiis visionis beatificie.

**IX.** *Adficantur nonnulla ad probandum omnem actum Fidei ex piâ affectione liberâ oratione, esse meritorium.*

Diximus suprà actum omnem Fidei imperatum à piâ affectione supernaturali liberâ esse meritorium, & quidem de actu Fidei hominis in gratiâ existentia nulla est difficultas; est enim de digno meritorius gratiae & glorie, sicut aliud actus boni supernaturales ab homine justo eliciti, de quibus fusè dictum est Tomo præcedente, Disputatione centesimâ vigesima-sextâ. Actus tamen Fidei, cum non sit formaliter liber, sed tantum denominative à piâ affectione, à qua procedit, sicut rationem liberi, ita & meritorii ab eadem desumit, habetque se hac in parte sicut actio exterior respectu interioris. Imo non assensus tantum Fidei, utpote qui infallibilis semper est summè certus, est hoc modo meritorius, sed actus etiam opinionis ex piâ affectione supernaturali procedens, rationem meritorii fortitur. Hujusmodi opinionis assensus est ille, quo existimamus Beatissimam Virginem fuīlo fine labore peccati originalis conceptam, qui actus, cum pius sit, non est cur ea nequeat meritorius.

**X.** *Vtrum primi actus Fides disponens peccatores ad justificationem si meritorius.*

Major difficultas est de primo actu Fidei in peccatore, qui justificationem præcedit, si necne meritorius. Ratio verò dubitandi oritur ex Concilio Tridentino, quod Sess. 6. cap. 8. sic loquitur: *Gratis justificari ideo dicimur, quia nihil eorum, que justificationem præcedunt, sive Fides, sive opera, ipsam justificationis gratiam promeretur, &c.* Hic tamen Concilii locus non negat actui Fidei meritum de congruo, sed solum meritum simpliciter, seu de condigno; illud namque tan-

tummodo meritum hic negat, quod impedit quo minus aliquid detur gratis, hoc autem solum *Quo plus* præstat meritum de condigno, quod absolute *meritum de condigno* exigit præmium, ad quod obtinendum ponitur: *de condigno differat à merito de congruo.* meritum autem de congruo nihil exigit, sed Deus ex quadam congruitate & decentia aliud illius intuitu donat, quod tamē si non donaret, nec huic merito vim, nec merenti injuriam inferret; quod, ut dixi, fecus contingit in merito de congruo. Quando autem ager, qui valet mille *Quid si ager venditum* florensis venditur centum, non censetur in hoc *vales mille venditum centum.* calu ager ille dari gratis, sed pro pretio condigno inadæquato; unde ex solâ multiplicatione summi partium si pretium agri condignum adæquatum, quod in actu illo Fidei non contingit. Centum ergo illi florensi soluti, vel sunt pretium condignum adæquatum partis illius agri, vel partiale totius.

Dico itaque actus Fidei supernaturales ab homine ne cum iustificato elicitos, quamvis non sint meritorii de condigno respectu iustificationis, cam tamen mereri de congruo: ita sanctus Augustinus tum alibi, tum Epistolâ 105. ubi sic habet: *Remissio peccatorum non est sine aliquo merito, si Fides illam impetrat.* Libro etiam de Pradestinatione Sanctorum, cap. 1. *Quis, inquit, dicat, eum qui incepit credere, nihil mereri ab eo, in quem cepit credere?* Hanc etiam doctrinam aperte tradit S. Prosper libro primo de vocatione Gentium, capite vigesimo-sexto & alibi. Quare *Male aliquis negant dare meritum de congruo respectu iustificationis* non recte Valentia Disputatione octavâ, quæstione sextâ, puncto quarto, cum aliis quibusdam affirmat, nec Fidem, nec ullum omnino actum in peccatore mereri justificationem de congruo.

